

Zeitschrift: Nebelspalter : das Humor- und Satire-Magazin

Band: 83 (1957)

Heft: 18: Lärm

Illustration: Versuch, den Kopf in den Hosensack zu stecken!

Autor: Nef, Jakob

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 14.01.2026

ETH-Bibliothek Zürich, E-Periodica, <https://www.e-periodica.ch>



Verstohsch hösch!

Also, was isch eigentlich, hösch? Wasch jetz scho wider passore, Ihr managerkranke Wältverbesserer, he?? Um was handlet sichs denn hoorschafgenau – falls e bescheidene Halbwache die Interpellation überhaupt riskiere darf?? Schee nu in dr Bachgaß erklingt in mym linke Ghörgang laufend «Lärm».

Was heißt denn do scho Lärm, frog ich mich? Dr meischt Lärm mached doch zweifelsohne Ihr mit Eurem troschtlose Gelafer, Ihr hällbleiche Rüeblifrässer! Gege Euer Jammergeschrei isch jo e Propagandafäldzug für s Zimmerlindeschtimmrächt diräkt e unvolländeti Sümpfonie, hösch!

Affäng, nämme mer emol a, ich wirf amene Samschtag ei oder zwei mittleri Silberdischtle uf, verschnuer my Privatei uf em Sozius als Muschter ohni Wärt und gibts e bitz schrill avec motorisierti Asphalttuube, alias Kabineroller vom Schorsch – was het denn das nun mit Lärm z tue pliis? Aber kuum hesch dr Hahne uf Lauwarm drüllt und kunnsc dr vor wie dr Fangio knapp vor em Parkiere – scho hesch e wyßi Muus im Knick, wo dr will begryfflich mache, um was es sich bimene Usspufftopf handlet! Derfür hockt sie aschließend an die polizeilige Machtdemonstration uf ihri Rückschoßrakete und haut ab, daß de meinsch, de sygsch d Bundesversammlig imene Föhnsturm, hösch!

Oder de ahnsch nichts Ungrades und pennsch rysch dr Sunntizobewunderbalari us – was passiert am Montagmatäng 07.00, was? Die staatlige Mischtabschleppschnäuzentlääre dy

Ochsnerbehälter in ere so dezante Art, daß sämtlichi Hüüser in dr Umgäbig, wo überraschenderwys noch nicht zue Löcher verarbeitet worde sin, schill und fridlich in sich zämmesinke, verschtohsch!

Falls man aber dr Wundermassel het und an ere Verkehrsodere kampiert, wo uffgrisse wird – und es soll mir zerscht emol eine vo Euch Luxusgartewärg e Wigwam vorfühere, wo dies nicht dr Fall isch – het me dr koschtelosi Gnuß scho am Morge am Säxi, derfür aber in ganz wütige Augemänt auch noch z nacht, begryffsch! Als Belohnig verschtohsch Diny eigene Kärnsätz nicht mehr, dr garantiert alkoholfreij Wällesittich verfallt in Demonstratione vo armiertem Delirium tremens und d Lagerschattgenossin macht dr Salto ruckwärts Richtung Nachtigallewäldeli!

Und do hän Ihr mangelhaft vernietete Laubfrösch mit Gummisohle dr Mumm, gege dr Lärm, wo Ihr in Eure schalldichte Luscht-pavillon überhaupt nicht zur Kenntnis nämmed, e pubertas Gepfludder abzloh und harmlosi Pfupfer derfür verantwortlich z mache. So oppis vo schämme, wie Ihr Euch sötte, isch jo noch gar nicht erfunde, verschtohsch hösch!

Tschonny



Versuch, den Kopf in den Hosensack zu stecken!

Lärme

Kennsch du no öbber, wo nit dur e Tag dur mindeschents e paar Mool z joomeren und z chlage hät wägem Lärme? Chrach und Lärme wie verruggt: D Chinder geitsche voruß, s Tram chlinglet meer as nötig, d Schtroß wird mit me Kumprässer uffrisse. Und denn d Auti! Vo de große Laschtwäge bis zum chlynschte Tschätterchischtl. Und d Töff! Au do vo dr gröschte Gschwällimashine bis zu dene chleine, närvöse Bibelforschertraktörli abe. Nüt as Lärme.

Aber dä Lärme, wo mer sälber mache, ghöre mer dä überhaupt no? Fömer emol by eus sälber a! Trotzdäm i schryben und dängge sött, lauft näbezue dr Radio mit öbbe Lutschterggi zweiedryßig. In dr Chuchi äne pfyfft dr Dampfchocher wien en alti Gott-hardloggi (wers bym Nochber, i tet en uf dr Schtell ychlage!). Im Näbezimmer schpilt d Mueter mit em Schtaubsuiger die zweiti Schtimm zum Dampfchocher. Überobe het s Ursi sy Grammephon laufen und tanzt drzue as s ganz Huus zitteret; s Schosefinli, s Dienschtmeitli, chlopf Teppich, und dr Bueb, dr Miggel, popperet im Chäller am eue Bläch umme – s geeb d Karosserie für sy Rennwage.

Ischs nit eso? Aber ebe, eusen eigene Gram-pool ghöre mer scho lang nümm. Die andre sis, wo lärmittiere – all die andre! Drum sött men ebe dene verbieten, e Lärme z mache!

KL

Epikilogramm

Der Lärm
über den Lärm
übertönt bald
den Lärm.

Wäss